

Alfred Völkel:

II.

Ordobädie und Schirurgie

Waßndou
wer dao be ous
die ärschd Ordobädin war
dej wuu nuch derzou
oberierd haod

No
wemmich nid alles deischd
naoherd war dess die Schdejfmudder
ver denn Aschnbuddela
Dej Fraa haod duch be ihrn zwou Marlen
wuu gern Keenichin geschbejld heddn
oober sej heddn ze langa Laodschn
dennen haodsa alles wäggoberierd
wos ze vej1 war
und nidamaol gloraformierd haodsasa
und blauß mideren Kichngmesser gehandierd
denn dess mußd ja hardich geh

Dess miß ja wej daab gebludd haom
Zegar es Deibla af der Schdaud
haods innagriggd
wejs as den Schiehla rausgesaachd is
und sell gesoggd haom
Guddaguddagudd
Guggnarwejdessbludd
oddersuehnlich

Oober drodzdem koosdamaol
an denn Beischbejl seh
wos mir in Deidschland
fer a langa Dradizion han
im Wäggsäbln
ganz gleich
obs die Fäersch is
odder die Zäja
odder wos annersch
wuu ze loongg geraodn is
Dess bringa mir alles wägg
ordobädisch odder schirurgisch
odder af a annera grumma Duur

